



ル 5
3163
9



門 几 5
3163
卷 9

東湖縣志卷二十

藝文志

七言古詩

長短 雜體附

南北朝

女兒子歌

無名氏

巴東三峽猿鳴悲夜鳴 三聲淚沾衣

又

我欲上蜀蜀水難踟躕 環頭腰環環

流頭灘歌

無名氏

經載水註

灘頭白勃堅相持倏忽淪歿別無期

昭和十四年
六月十七日
購求

唐

虎牙行

杜甫

積風歛吸吹南國天地慘慘無顏色
 洞庭揚波江漢迴
 虎牙銅柱皆傾側巫峽陰岑朔漠氣
 峰巒窮窅溪谷黑
 杜鵑不來猿狖寒山鬼幽憂雪霜逼
 楚老長嗟憶炎瘴
 三尺角弓兩斛力壁立石城橫塞起
 金錯旌竿滿雲直
 漁陽突騎獵青邱太戊鏃甲聞丹極
 八荒十年防盜賊
 征戍誅求寡妻哭遠客中宵淚沾臆

過荆門歌

李紳

江流汨汨波轉荆門路遙山葱蒨帆
 勢侵雲漢及前

出城背日黃昏見青青麥隴啼飛鴉
 寂寞野逕棠梨花
 行行驅馬萬里遠漸入煙嵐危稜
 餘林中有鳥飛幽谷
 月上千巘一聲哭腸斷思鄉不可聞
 人言限魂來已屬
 我聽此鳥祝我魂死勿學此聲含冤
 縱為羽族莫棲息
 直上青雲呼帝闕此時山月如啣
 鏡巘岫參差互輝映
 皎潔深看入澗東分明細見樵人
 逕陰森鬼廟當郵亭
 鷄豚日宰聞羶腥愚夫禍福自迷
 惑魍魎憑何通百靈
 月低山曉間行客已醉椒漿拜荒
 陌惆悵貞忠獨自持
 誰登山頭望夫石

彝陵歌

彝陵女子

楊柳楊柳集集隨風急西樓美人春夢中翠簾斜捲干

人

宋

黃牛峽祠

歐陽修

大川雖有神淫祀本風俗石馬繫祠前山鴉噪叢來潭
潭村鼓隔溪聞楚巫歌舞迎送神畫船百丈山前路上
灘可峽長來去江水東流不暫停黃牛千古長如故峽
山侵天起有嶂崩崩路絕無由上黃牛不下江頭飲行
人惟向舟中望朝朝暮暮見黃牛徒使行人過此愁山
高更遠望猶見不是黃牛滯客舟

三遊洞

歐陽修

漾檝泝清川捨舟緣翠嶺探奇冒層險因以窮人境美
舟終日愛雲山徒見青蒼杳靄間誰知一室煙霞裏乳
竇雲腴凝石髓蒼巖一徑橫查渡翠壁千尋當戶起昔
人心嘗為誰留人去山阿迹更幽青蘿綠桂何岑寂山
鳥嘒嘒不驚客松鳴澗底自生風月出林間來照席仙
境難尋復易迷山迴路轉幾人知惟
桃花落流出巖前百丈溪

千葉紅梨花

峽州署中舊有此花前無識者知郡朱郎中始

加欄檻命坐客賦之

歐陽修

紅梨千葉愛者誰白髮郎官心好奇徘徊遶樹不忍折
一日千匝無休時夔陵寂寞千山裏地遠氣偏時節異
愁煙苦霧少芳菲野卉蠻花鬪紅紫可憐此樹生此處
高枝絕艷無人顧春風吹落復吹開山鳥飛來自飛去
根盤老樹幾經春真賞今纔遇使君風輕絳雪尊前舞
日暖繁香露下聞從來奇物產天涯安得移根植帝家
猶勝張騫爲漢使辛勤西域徙榴花

和丁寶臣遊甘泉寺

寺在臨江一山上與縣廨相對 歐陽修

江上孤

一作

峰蔽綠蘿縣樓終日對峩峩叢林已廢姜

祠在事跡難尋楚語訛

寺有清泉一泓俗傳爲姜詩泉亦有姜詩祠按詩廣漢人疑泉

此一在

空餘一派寒崖側登碧泓渟涵玉液野僧豈解惜

清泉世俗那知爲勝跡西陵老令好尋幽時共登臨向
此遊依危一徑穿林樾盤石蒼苔留客歇山深雲日變
陰晴澗栢崖松度歲春谷裏花開知地暖林間鳥語作
春聲依依渡口夕陽時却望層巒在翠微城頭暮鼓休
催客更待橫江弄月歸

代贈田文初

歐陽修

感君一顧重千金贈君白璧爲妾心舟中繡被薰香夜

東坡先生詩集卷二十一
春雪江頭三尺深西陵長官頭已白憔悴窮愁媿相識
手斟玉斝唱陽春江上梅花落如積津亭送別君禾悲
夢闌酒解始相思須知巫峽闢猿處不似荆江夜雪時

寄聖俞

歐陽修

西陵山水天下佳我昔謫官君所嗟官閑憔悴一病叟
縣古瀟灑如山家雪消深林自劬笱人響空山隨摘茶
有時攜酒探幽絕往往上下窮煙霞崑蕨綠縹軟可藉
野卉青紅春自華風餘落藥飛面旋日暖山鳥鳴交加
貪追時俗玩歲月不覺萬里留天涯今來寂寞西岡口
秋盡不見東籬花市亭插旗鬪新酒十千得斗不可賒
材非世用自當去一舸聲牙揮釣車君能先往勿自滯
行矣春洲生荻芽

黃陵廟

蘇軾

江邊石壁高無路上有黃牛不服箱廟前行客拜且舞
擊鼓吹簫屠白羊山下耕牛荒磽确兩耳磨屋四蹄濕
青芻三束長苦饑仰看黃牛勢安及

三遊洞

蘇轍

洞前危徑不容足洞中明曠坐百人
峴碑兀起成村亂石散列如驚麕
清溪百丈下無路水涵沙上如魚鱗
夜深明月出山頂下照洞口纔及脣
沈沈深黑若大屋

野老篝火清如燐平明欲出迷上下洞氣飄亂爲橫雲
深山大澤亦有是野鳥鳴噪孤熊罴三人一去無復見
至今冠蓋長滿門

黃陵廟

劉克莊

楚國多奇山江行問遺俗削壁俱刺天巖崖自生木
樊陵異夢昔所聞曾一謁之山川神煙雨蒼蒼三峽路四
十年間五來去一生肝膽猶惘然只見顏色非其故青
巖黃影白崖嶂霜天曉晴雲氣上峽山欲盡不盡時十
二小峰遙入望過灘猶如竹節稠前頭平善可無愁君
恩未報復回首石馬祠前還艤舟

楚塞樓

王十朋

楚國封疆六千里荆門巖岫十二背南標銅柱北虎牙
天險城邊古西塞江山如故名尙存形勢雖疆國何在
水流三峽無古今月照孤城幾興廢吳蜀英雄空戰爭
晉宋風騷謾悲慨但願時清塞不塵樓上芳樽自相對

桃花舖

范成大

老蕨漫山鳳尾張青楓直幹如攢槍山深嵐重鼻酸處
石惡淖深神慘傷陰崖風生吹客急草中枯株似人立
朕瞞卓幕光下程壯上黃昏始追及三登三降固始斷
一步一休日欲斜濁酒一瓶不得暖覆盆有舖無人家

扇子峽

范成大

茲行看山真飽諳今晨出峽仍窮探南磯北磯白鐵壁
千峰萬峰碧玉簪橫前直疑江已斷岷起競與天相攬
蜀山欲窮此盤礴禹力且盡猶鑄劍望舒宮中金背蟾
泥塗脫盡餘老饞下飲岷江不知去流涎落吻如排髯
挈瓶穢棹斟清甘未暇煮茗和薑鹽聊將滌硯濡我筆
恍惚詩律高巉巖

黃陵廟

何大復

黃陵峽中灘水多黃陵廟下灘經過峩峩巨舸牽百丈
櫂折檣摧不得上江風蕭颯笳鼓哀廟前遙向楓林開
往來落帆泊江口祖牲祀神醜神酒南船下峽疾如箭
岸草荷花看不見巉崖亂石撐如麻雲間濁浪迷三巴
千里舟中坐超忽回首天西斷心骨

明

荆門山謠

郭思溫

荆門十二山最幽巫山十二水奔流牽白狗曳黃牛名
剽驅人不掉頭老夫獨坐蒼崖下閱徧江邊萬斛愁日
落煙霞晚夜涼風雨秋酒光人面歌一聲喚作仙人十
二樓

出峽言

薛東

買舟賦歸來巫峽不用試先驅問行雲相送峰十二來
時峽水濁去時峽水清來時峽水高去時峽水平此峽
係行止進難而退易所遺禹文字巫峽見光氣行意放
籠雀吠聲絕樊蠅殘年盡書卷日給米一升掃石留詩
作小草紫翠堆中時坐起無官不怕走市塵有酒時攜
就溪煮煮白石燒溪雲耳中俗事仍不聞騎氣踏雲不
可到辟穀亦可如八分乾坤兩局忙煙浪一舟小過後
聲名值幾錢短笛騎牛萬事了

西陵峽歌

徐秦

荆山夾江如壁立千尋萬尋青鐵色江流如畫山如畫
動地靈聲撼白日山高不見飛鳥過舉頭青天一尺多
蒼藤古樹鱗滿口沿厓亂石其奈磊砢嶮嶮何嗚呼峽
中之險險莫甚昔嘗聞之今信矣商人重利却輕生吾
獨何爲亦來此黃陵廟下不可遊空船獺洞尤堪憂十
前尤却過一險百夫力盡巔厓頭垂堂遠遊古所戒靜
言愚之心膽賊中流欲歌行路難哀猿又起寒煙外

黃陵廟

林俊

讀書苦多味疎散難入俗信命不信怪率性强於木陰
陽一氣符前聞大川許大能無神白首風波重仕路今
者何來昔何去我今如醉復如癡黃陵亦且知其故劍

東坡志林卷二十一
峰嶺屹立萬丈山鳥不飛山月上心香一瓣蓮乞靈眼
青獨領還家望南山白石夜飼牛破衣糲飯名無愁濁
酒蒼苔送餘老清歌一曲木蘭舟

黃陵廟

吳守忠

愚生好自用廟祭偶從俗移棹傍水涯瞻宇出林木肩
輿未落鐘聲聞道傍祝史迎送神須臾肅拜中堂路來
者自來去蒼去人乞靈所願賒黃陵甯復知其故出
門四顧開青嶂官漕在下空船坐咫尺何無驅石工徒
勞民力孤民望我今朝暮見黃牛那得朝愁更暮愁笑
割祭餘霑從事風波滿眼付虛舟

浣紗溪

黃景旌

浣紗溪中山水郁浣紗溪頭人如玉我來尋之山水間
舍南舍北餘修竹連連陰雨消晴空泥深苔草限馬足
崎嶇仄路要辭鞍策馬揚聲爲我囑遲回一步一催行
可是城中酒正熟

黃牛山圖歌

雷思霈

予登黃牛之山兮重嵐疊靄鬱鬱勃勃髣髴乎舟師之
指但見巴江自天而來雷奔電曳盪巖觸石滾流轟怒
而不可以已遠眺兮千峰蔽日萬籟黏空若繆篆狂草
淋漓滿紙又若絳虬之升輕霄與靈氣相襟佻雄傑

東湖縣志 卷二十一
非霽朝停午而莫辨首尾巖壑腹常有光怪兮疑僊
靈之往來神鬼之出入颯然而風雨三聲之猿連臂而
學掛九頭之鷄與鷲而欲語鹿張其角馬缺其耳虎化
道人魚爲婦子石破而赤鱗飛檻呼而元龜起紫芝丹
草言刈其薪而往往爲幽棲者之所深取廟貌煌煌在
山之吐賣兒遊子刲羊灑酒考鐘鼓祝舟航墨客騷人
觸目娛心與山川鬪奇詭爰有天葩名曰金蓮葉美甚
蕙而肥華倍芙蓉而綺葳蕤扶蘇士乃中寫其事其說
其言成理蓋已數百年兮而不知植於何紀於建元
而不可居兮其賦愛其流泉淙淙乎竹裏有一上

人字悟空者邀我以楸局飲我以薺醋贈我以珍
我以石髓予之爲茲遊兮聞江聲而畫沙磧殆類平
原之遇懷公而得筆法於張長史今訪我於醉石之齋
兮我乃題牛山之圖以送之恨不及買扁舟而蠟屐齒

蝦蟆硯

雷思霈

天上蝦蟆化成石月宮天子追不及特遣萬歲老蛟精
劈開泉眼浸骨脊扇子峰前江勢橫明月正墮高山壁
截取脂肪鑿硯池白絲元玉暖雲液凡字丹書額下生
五月五日口啣墨爾時玉兔走中山亦向人間作不律

峽中戲爲朝暮歌

雷思霈

朝發黃牛暮發黃牛挽舟進復却行者心悠悠蜀門既
在青天上不道長江天上流

虎牙灘

雷思霽

水石相遭波浪急漁人當扼披簷立百罟不獲一小魚
躊躇或想巨鱗入我坐盤石待已久願爾得魚按清酒
天風泠泠不可留前灘更作獅子吼開船忽到黃陵東
白雲山頂已濛濛

鹹池采石歌

文安之

龍章鳳質何紛紜憶我泥途目奇色下車攀轅淚沾纒
鹹池采石昔未聞自我采之夕異文天精散落入地脈

屈原宋玉死千年遺文乍向溪邊得急呼良工命龍泉
琢成十頃良硯田移星流月不可拂惟見案頭生紫煙
曉窓起作黃庭字陶家十友借驅使揮時應用麝豪錐
染處須勤蠶葉紙黃金古藏多遺書我欲暮晨獵其餘
更將歐氏端溪譜譜入鹹池龍與魚硯有龍蛻素魚雙
塔五錢臥鐘陰精

諸名

國朝

登蝦蟆培

王士正

黃牛打鼓朝發船碧波白鳥爭清妍回首名山大
川閣鳥尾已捩西陵煙三峽欲盡尙迤邐云十二
培紛鈎連頗聞中有第四泉康王谷水差隨肩峽
窮培轉詫奇事忽見飛瀑流琤潺爬沙終古此巖
側青冥無路誰筍緣江風吹笠冷毛髮峽雲挾雨
鳴船舫大索瓶甕貯飛雪旋去屐齒窮危巔橫斜
拾級一徑上藤梢橘刺相糾纏皴皴槎牙溼苔蘚
清泉百道爭涓涓陰洞終古闕白日神漢噴薄鐘
乳墜石壁麤惡艱巖錯題名豈辨唐宋年永叔詩

翁詩不滅誰爲好事重龜鑪名山衆頂壓願渚春
芽開裹勞烹煎下巖轉舵未忍去下牢關外斜陽
懸

苦旱行

羅宏備

霞標遙接赤城起火府朱陵開甚邇咸陽三月楚
炬紅蕪陵七日秦煙燬丹嵐赫燄走長空炎歊蒸
徹水潭底草枯且夏似冬山昏黃野燒隨風駛雷
尋九地好埋輪蛟守焦泉喝不徙鬱林鳩婦寂無
聲燕兒飛絕龍孫死漠漠浮雲西北來須臾化作
玻璃紫樹杪星乾河漢明農人汗作桔槔水嗚呼

東坡先生詩集卷二十一
谷口鄭子真薄田力種耻言貧汗池兆坼高原萎
饑去何人爲糴秦

相逢行

羅宏備

峽山雲峽雲高不羣峽江水峽水深無底雲飛不
是昨日雲水流不是昨日水相逢意氣等高深但
願相守不如此諸君酒酣且莫起聽我一歌峽山
之雲峽江水

陸城行

羅宏備

出峽荒城背江渚
是陸抗舊開府英雄雲散竟
城墟割據無人自
古西南蛇豕渡江來蜂屯蟻

聚倚城隈周遺戍角憑深
塹鐵騎千羣踏不開水
列樓船岸立馬健兒酣戰
墜城下火雷霹靂若天
崩百里猶能落屋瓦降將
無聞戰血漂馬頭枯骼
作河橋利鏃自穿三尺土
哀尸誰鮮舊征袍烏蠻
頭并兒首同築京觀哀翅
折兩魂相逐不相爭夜
半燐淒風雨後憶昔城畔
好圍廬竹林藎圃自成
居桃花水漲麥苗綠遊人
爭看赤谿魚去年流冗
共拋棄士卒剗精塗此地
何時厭亂解兵戈耕起
遺金鑄農器

平江閣觀江濤

陳士望

哀猿夜叫巖壑怒神蛟隱隱擎煙霧眼底奇出一
半浮扁舟木末如杯渡帶雲奔飄渺聞出沒洪
濤只等間虛閣靜涵千頃勢晚風橫截一江瀾塔
前積雨苔痕起一榻宛然水中沚忽憶元圭未錫
時禹之明德誠遠矣

古佛菴次韻

劉廷禧

秋空涉冰履高岑澹煙漠漠秋水深飛鳥剪波投
遠林櫓聲淒切江之陰人漱柴門修竹裏歸鴻目
送欄干倚沙渚蕭疎篆竒文楓落寒江煙瀾瀾松
鳥斜日隱山巔山巔石穴白雲寒晚來醉把黃花

後踏破蒼苔上小船

自夔陵州發棹至黃牛峽

沈廉

江月欲落農鷄鳴客船未發官船行曉風颼颼舟
子喜蒲帆吹出夔陵城鼓聲坎坎日方吐船頭漸
聽灘聲怒棹轉俄驚又一天桃花鷄犬回頭誤入
峽愈深山愈奇半雲半雨崖傾欹疾風捲水水欲
立紛紅駭綠相離披盡日冥搜思縹緲空裏無聲
絕飛鳥斜照西南一角天數峰青人微雲表初疑
前山無路通劃然一綫開鴻濛乃歎偉哉神禹蹟
人力疏鑿天無功危灘更轉勢欲壓路斷雲根疑

倒插噴珠跳雪從空來不知此是黃牛峽我聞在
昔有黃牛助禹開導疏江流至今風雲相隱見
恍如有神人遊百丈高牽不可越行人到此真愁
絕一舟簸蕩波濤中却與魚龍爭出沒吁嗟乎黃
牛峽水無時停黃牛峽石無時平人言雖險君勿
怖那得人間有平路

蝦蟆培謠

郭相業

白狗峽黃牛灘千古人嗟蜀道難江邊躡踞蝦蟆
石逆水牽舟難更難估客聞之心膽寒
自與林平園別十餘稔於茲矣邇以謁選來京師

寒燈話舊言溢於情喜得商確疑義日且之官楚
北之東湖得展迎養之烏私是可慶也於其行也
書此以贈之

熊爲霖

毛生捧檄動顏色喜以春暉奉垂函膝下依依寸
草心得向

天閭乞恩澤平園先生古君子學力根深貫經史負米
常從萬里來鯉魚躍出西江水江水江雲舊有情
蓬蒿十載懷羊卿軟紅塵裏又離別半夜寒燈圍
短檠祇今縮綬臨湘甸拄笏看山寫清讌扁舟一
葉載圖書板輿欣迓桃花縣我聞孝子敬其親

登執玉如畏人堂下民巖鬱松棟不爲鷹隼爲麒麟
君家古質老清儉心在冰壺膽如劍和以從容
留有餘益然循吏除浮艷太平福惠調元氣孝子
依然歌豈第印牀香雨澹東風梧桐月影間廳事

送同年林平園之任東湖

蔣士銓

陳君奉將母官蜀中扁舟上峽穿蠶叢誰能擇地
遂隱願頗覺捧檄違初衷登高臨深孝子戒懼唐
灑瀆乃令慈親從坐愁行嘆使我不能釋仕宦辛
苦同人同林君登第應先載選忽得巴西宰低
眉綠養喜色動側身險阻愁顏在天心默佑者可

格

帝眷潛孚官竟改蜻蛉免溯嘉陵江荆門虎牙屹相望
黃陵廟前楓葉暗明月峽口猿聲長君歸奉親入
宜昌三朝三暮黃牛旁綠衣去覓老萊服絳雪重
啟廬陵堂憶昔我冠君始壯獻策偕遊同跌宕君
方學道窮本原我且矜才極疎放可憐歲月十三
度聚散飄零各惆悵其中出入生死間幽憂蹇困
相拘牽河伯尼君更波及冥官召我成株連兄溺
幾幾余亦溺世緣都逐壯心滅道力自許中年堅
瀾江及泗西清竊祿百僚底卅口坐累紛糾纏本無文字潤

鴻業敢乞郡縣行微權青春拋擲老將至舊學類
廢吾何傳羨君專城足快意撫摩赤子誅頑奸山
中志業一展拓小試小效經綸嫻一官進退有定
分寸心質實無筭絲四海雖寬勢難及百里得爲
君勉旃君言平生病卜息索我一韋無煩弦誠哉
自知足自藥不見奔湍激石多波瀾巴江天際作
三折蓄洩利濟誠安便公餘弔古恣歌詠三遊洞
裏誰周旋我聞荊州名士舊如鯽考道問業或有
從遊賢郭璞著書亦瑣屑李衡種橘徒老慳試問
何術作循吏楚蜀接踵三同年雙魚逆上不但陶

淑浦諧商權更有陳西川

長句奉贈林平園之東湖任

戴第元

庚辰冬十二月初林侯別我之東湖手持丹篆至
尺符匹馬驕嘶飛霜衢臨岐欵欵意有餘知君情
與吏人殊君才磊落世所須撐腸拄腹鄉媛書即
今屈作百里宰有若孟勞摧薪樗德品彌厚衷彌
下諮詢不鄙鄒生迂煌煌墨綬工趨走史雲往矣
次山無親民誰實宣仁化不虛

聖治時唐虞我觀林侯洵靜者千頃汪汪當座隅精神
已周小家屋他時十異傳巴歛從來經濟本經術

此事惟君任匪虛生憎世俗憐穢穢自信清心倚
玉壺小用大用惟所適行矣慎勿更踟躕蜀川門
戶接瞿巫黃牛灘上驚濤鹿猿聲夜夜臨前除公
餘吟興更何如江山得助風雲驅能事惟應柱老
俱憑君一訪襄西居

東湖灘謔

嚴思濬

飯甑扳倒鱗魚腹飽使君不來人不管三斗坪高
魂欲斷

虎昂頭狼跋尾鹿角嶽嶽誰能倚

風狂愁急浪船小怕高桅灘神無義攫人錢銅錢

三注攤成堆

浮雲變白狗竹箠鞭黃牛黃牛鞭不動白狗墮地
聲喧啾

菓園無菓摘馬以無馬馱斗船且住隔南池三漉
深深不可過

黃茅長似人白龍太於象打麥剩空場難掘黃金
藏

纔過南津關又下冷水磧汲將冷水調胭脂媳婦
嬌羞背人立

荆門開虎牙以臨崖橋斷仙人不來

平紅石子灘歌爲來荆南監司賦

南陀注其前三硃倚其後羅甸穿其左渣波湧其
右五峰激水奔赴長林磯峩峩紅石橫江鬪石勢
峻嶒劍戟壻灘聲噴薄魚龍吼行人往來聽此欲
白首呼號水愁猿狖沿岸奔猊渴飲江中通一
線流汪洋數者負者不可以徑度如狐綏綏嗟無
梁陸行險如此水宿斷人腸出漩入漩避就不得
力百丈一擲蒼茫茫彷彿黃牛朝暮翻江壁留此
千堆萬堆之石藏鋒鋦誰能鏹此疊嶂成康莊情

昔

國師西伐蜀霓旌連艘連相屬鯨鯢電掃須臾空竹
枝歌起懽聲續擊鼓椎牛至喜亭泊舟始免招魂
哭何年斫地歌莫哀荆南使者來公來燔柴水沸
不足數醕醑一澆傾崔嵬疑是楯櫓舟車不到處
積石重鑿龍門開又疑伯翳燎原之火炎炎熾繼
以五丁千礎椎巉巖削盡平如掌馮夷失據山摧
頽聞公昔在滇曾導金沙水餘力平葉灘揚帆疾
於矢南紀滔滔日夜浮狂瀾障藉中流砥過此竹
節灘稠甯能盡削平登高望遠猶心驚徑須使公
徧歷蜀山蜀水之縱橫役使石犀驅風霆坐令江

漢長澄清

西陵峽中自入黃牛灘舟行多戒心詩以懲之用

歐文忠黃牛祠韻

林有席

不競楚峽風善泐迺其俗濟川慚長官毋教猱升
木灘聲憑怒客舟聞屠羊前禱黃牛神先笑後號
石當路旅人生冠向前去小舟啣尾接魚鱗攫財
赴援良有故嗟爾群狸舞高嶂棹頭搖尾不我上
入井怵惕豈無人茫茫名利徒觀望我懷已溺心
力當回萬牛扶奸要使羣狸愁羣狸晝伏客高枕
黃牛穩泛飛來舟

絳雪堂補植紅梨既枯復榮喜紀以詩卽次文忠
千葉紅梨花詩韻

林有席

八百年前知我誰八百年後花無奇無花有詩足
千古吟詩如對花開時官齋補植春風裏一株千
葉托根異要從絳雪覓芳踪晴光返照欄杆紫堂
開坐客知何處花信幾番莫我顧從來物態本無
常况復惜花人久去老榦俄回六月春飛觴遙酌
廬陵君先生治譜卽花譜快把新聞証舊聞大造
無私生有涯彝陵比屋連千家千家生意如此樹
長官重賦紅梨花

五月望日志局諸君招集五柳山庄率成長句奉

柬

林有彬

江頭古柳蔭十畝有客招尋一呼酒酒酣擊碎金
巨羅氣吞雲夢已八九我本西江落拓人相見恨
晚頻搔首座中矍鑠愛者誰風流最著靈和柳萬
卷朱昂三桂何林宗一角參成偶二楊一范氣尤
豪招邀叔度成佳友漫操鉛槧張吾軍賴有劍亭
工擊培昨者入峽溯瞿唐三朝三暮黃牛傍荒臺
贖壘悲殘劫憑弔當年古戰場英雄割據空已矣
鐵鎖鉤戟成櫓槍失計孫曹徒狡獪張吳餘孽何

披猖卽今斤堠無烽火耨耕作相徯徯荆門寸
二成彘道虎牙森鋸銷鉤鉞振衣放眼一浮白大
江波老江心赤布帆腹飽剪江飛遙集江城千里
萬里巴蜀客江城鼙鼓陣逢逢魂招屈子巴江東
屈子沉江五月五匝旬競渡偏楚風婆婆屢舞繼
觚戲踏水奪幟逞鬚鬚性命一擲等鴻毛禮失求
野憑誰易彘陵自昔隸南邦風傳江漢稱散厖採
風披讀舊典籍行無錯雜言無咙嗟此要區聯楚
蜀屠猶嘯集翻成俗五方鼠竄晝行欺鷲猛咆哮
少真樸我與諸君共討論風以俗易良可嗔激揚

身浦鼎元卷二十一
維挽賴吾輩身立之範非空言邑乘纂緝傳奕禩
模稜徇俗非良編以見証聞難僕數如此數事褒
譏存諸君把酒一長嘯鏡吹聲共江聲喧君不見
江聲喧處柳陰碧成樓日暮咽殘笛回首山莊月
似銀階前短柳當窓織

七夕燈詞

林有彬

夔陵七夕燈滿城高竿插戶荷葉明荷花瓣瓣燈
光碧前衢後肆唱歌聲兒童角觥呼僮儂燈熒熒
却秦兵君不見秦白起燒城開疆空爾爾杜郵封
劍武安死夔陵之燈千萬紀

黃牛灘行

林有彬

岷山導江神禹功鎚臨鑿險龍門同上闢魚腹下
虎牙峽中險絕傳黃龍武侯到此崇廟祀豐碑千
載青苔封蜀船上下爭來泊焚香醞酒烹羔痛長
年三老婆婆舞扣舷打鼓聲瑟瑟列舵開頭兩股
慄黃牛呵護神靈通湖江人峽來春杪春雲變雲
春江濃摩挲古廟弔古蹟矮首惟見天當中禹王
廟側黃牛伏丞相祠堂松鬱葱明德既遠神默契
君臣異代敲鐘鑪兩岸磽确森如戟舟行如馬穿
巖叢查波鹿角狎獬立塗人肝腦剝人胸更有三

珠伏水底萬斛舟破愁天容蜀道之難青天上猩
猩畫哭啼猿狖篙工爲我撐舟返江月蕩漾光溶
溶江心大呼弔隣舫風波之險無終窮嗚呼風波
之險無終窮

絳雪堂因紅梨得名壬午初春平園補植一株了
無生意及盛夏萌蘖重生特賦長句志異卽用歐
公絳雪堂韻

林有彬

歐陽風流繼者誰八百年後聞見奇絳雪堂空紅
梨去平園手植初春時托根偃蹇山村裏瓣靈阿

南土燥異處處花耶人耶兩迴顧造物倚伏理難
尋繞階百遍自來去生意忽驚滿眼春綠雲烘托
雲中君茁芽六月繁枝葉滿堂動色嗟異聞六一
官跡遍天涯無雙花種淮南家明春絳堂當筵舞
愧彼八仙續瓊花

陪宋大中丞逸才先生王歸州子猷謁黃牛祠觀
武侯古碑與嚴進士恩濟十弟有彬拈韓蘇石鼓
李義山韓碑原韻分賦余得韓碑韻

林有席

隆中諸葛天人姿陣圖神妙追庖犧摠師西入禱

禹廟感牛助禹通蠻夷掀轟抵觸峽石裂努力不
減千熊羆大山石壁隱神像幽厓前監雙旌麾董
工開導記非妄鼎新勒石森然持 中丞擁節希
忠武酌神再拜翻靈旂瞻懷明德倚江閣維警時
有香煙隨祠門石馬不可見母乃驚逸彪與貔一
亭高覆武侯碣俗書鑱刻爭警誓日月朔望有薄
蝕以手捫索難成詞六隅銳上轉豐下古之匠製
非今爲蝌蚪篆隸久磨滅堅留法物煩神司同文
損益監前古重鑑擬解中丞願峽州判官彝陵令
趙慶語聲淋漓石馬一耳公何與子瞻唱嘆

陽詩世間萬事皆前定就班伏謁循堵城下吏履
塵寡經術摩挲慚對前賢碑但覺滾滾江流扯繆
牛朝暮盤蛟螭三公視岳侯視瀆境內祀與公無
私矧茲一瀆勢奔峽黃龍天遣來攻治武侯筆墨
匹訓誥紀述文字沁心脾數椽祠屋傍江滸誰其
葺者余能辭卽今峽靜江効順巴船下峽歌雍熙
竹枝異代有同頌核諸古傳堪尋追母煩觀者日
填咽坐令手足交胼胝武侯神再自不朽請看峩
峩碑碣千年基

前題分得東坡石鼓歌韻

嚴思滌

天降牛星辰在丑誰其策之蒼顏叟牛黃人黑兩
分明掀天浪湧蛟龍走董工自昔導岷江勒石神
祠臨峽口佐禹功成九載前扶劉蹟著三分後堂
堂諸葛起南陽嗟漢祚丁陽九運籌始計策荆
梁磨厓大筆開顏柳片石稜稜人卧苔神光鬱鬱
直衝斗岐陽纒碣委陳倉強尋點畫推跟肘鄧厚
山碑夜火焚失真繁洲雜藜莠到矣漢隸同銷亡
丞相祠堂空尚友憶昔鴻都寫石經別白魯魚分
穀穀中郎鐵筆家八分遺法師何憐莫
救桓靈危天因漢黃者功高管樂

奪焉璋歸指喉草表真堪匹訓謨策勳矢欲銘
貞道出黃牛籌戰功考古無勞問矇眊大書深刻
照千春字青石赤殊响嘯一唱三歎讀遺碑兩京
文體原深厚何圖硃石竟磨治俗書變易知誰某
從來白璧幾能完唾點今文亦何有邑姜孝子祠
忠孝廉節四
字上人訛傳爲武侯
遺筆皆今文體也惆悵成都老栢枯詠歌還擬
南山杻况此靈光巋殿存忍令棄置等芻狗銳豐
卓立垂千年淮西斷碣猶非偶奚煩杜老爲吞聲
江濱龍臥嗟無首君不見魚腹灘前八陣圖亂石
排空難擊掇 中丞行部下灘來別薛徘徊義有

取安得維新返舊觀耐可磨光刷塵垢數椽遺像
誰扶持留遺法物神呵守凭欄弁冕對江流遠績
禹功三不朽隆中劍外鬱相望千古大名期並壽
前題分得昌黎石鼓歌韻

林有彬

黃陵廟前古碑古刮目拂拭歌古歌諸葛君去鴻
文在豐石鐫刻今如何憶昔孫曹分割據中原腥
血揮長戈南陽三顧臥龍起誓將仁義成漸磨隆
中一對布成算諮諏籌畫咸樓羅西取劉璋分鼎
足蜀山萬里盤岷峨定軍山上蠶叢道指揮羽扇
高閣何驅曹西下灘聲壯驚濤駭浪神靈呵古傳

黃龍董工作牛龍好事憑傳訛孔鼎湯盤垂典則
東京大筆疑蝸蚪體方色碧高盈丈冠以龍文鎮
以鼉一椽古廟遺古栢霜皮溜雨橫虬柯吁嗟漢
業不可復出師未捷龍飛梭英雄到處留名蹟依
然袖裏騰青蛇溯江入峽思明德遠負巨鎮噴夸
娥巉巖鑿破榛莽辟急流東注別爲沱黃牛犖石
伏江底配食神禹神其和歷千億載廟傾圮堯齋
不着頭白科武侯好古悲殘劫楹角重振丹巖多
更詫神像映絕壁足踏水脉如橐駝前豎旗幟右
小犢力開峽路樓船過迄今鷓首萬里下勢如控

箭無跌蹉屠羊醜酒爭報賽帆檣出没安洪波異
代君臣肅典禮平成天地無偏頗我來弔古祠堂
下草居偃仄驚佗佗古摺剝蝕古碑在俗書磨治
毋媿嬰矧碑堅峙改舊觀紋膩膚滑堪摩挲嶧山
火烈淮西斷對此幸得供吟哦公之大名垂宇宙
陣圖不爭鶴與鵝此碑倘監陰嶽裏雲旗畫掩波
演那安得黃牛長負輦鏹平隘阻除軼軻萬年履
坦忘履險驅逐水怪傾天河我歌一續公碑後振
衣颯爽甯蹉跎以上舊志

峽中行

張獻

石與水爭江水與石爭路水不容石禱石愈逢水
怒涵沌逐日來一葉危於露却羨鳥身輕欲唱石
無渡對境意茫茫回頭經世故峽中下池有機心
何怪人間多窘步前途休咎杳難知兩岸猿聲啼
不住

荆門行

江陵劉士璋

蒲桃汎漲初醅醕大江小派從衡綠荆門桀峙虎
牙攢江流到此忽一束劃然水立波濤軒巨石犖
确駭賈船長年捩柁舌上擣環脣最能相輓牽樹
槩遠軸何滂盪五龍執笏騰空上疑是五雲天半

來不然巨靈擘高掌江中有客駕小刀揚船氣與
千山高投竿欲引詹何繭潛蛟伏兕紛騰逃枝檣
忽憶浮梁架井甃寡識空物化含情一笑來東風
落日峭颿烟收壩

三游洞奉別同年王子壽赴施州 馮譽驥

君從荆門來訪我夷陵道名山古寺數共君攀葛
捫蘿事幽討幽討不辭遙巴船盡雙橈斜日過赤
坂西風泊下牢忽憶元白舊遊處荒江野岸但有
一堆蒼煙高洞不谿訝砉然中開霓旌翠蓋羣仙
往來磨麈驚而竄伏猥鳥鳴而悲哀攬梁益於指
顧兮峨岷積雪照耀千里光皚皚舍策兮回舟天
寒兮難久留甚 臨雖云樂亦復頻添離別愁
白馬灑真牛寺 團石齒齒我將遠遊沂巴水
敢告君行自茲始

松門谿

毛之觀

松門兩扇排江關關北關南響潺潺松耶門耶谿
如帶一氣磅礴鎖青山憶昔廬陵歐陽子詩在山
川圖畫裡谿環門敞郡之西不斷松濤送江水寒
漱石上流日清隱隱海角明月生白雲深處聞樵
唱是 台秋聲太息聲

桃花魚詞

楊裕仁

春來桃花水中有桃花魚淺白深紅畫不如是花
是魚兩不知花開正值遊魚嬉魚戲轉疑花影移
漁人不敢下釣絲怕逐春風上舊枝不以池中物
視之

龍洞歌

監利龔紹仁

夔陵多名山夔山多名洞三游最著名喧傳自唐
宋豈知神物不與人意同異境乃在無名中有龍
獨闢幽靈宮洞無可名名以龍地僻險隔千萬重
冠蓋那得尋其蹤張侯鑿空爲祈禱域外奇觀信

絕好過江鳥道人跡滅深谷盤旋洞口豁木排龍
角瀑噴涎內徑斜行挂聿兀想當龍初入洞門直
上穿石石飛騫將穿至頂猶未至天公不許破混
沌開通嶺道懸無薄低頭直下石摧落遂令一洞
畫兩界嵌空蜿蜒脊分派然後龍乃恢拓嶺後基
鮫宮貝闕入者迷九幽忽地生靈輝日色月色不
知從何來深潭凜凜渺無底潭邊曲房神所棲中
列床枕碧玉滑繞壁光怪紛陸離奇鬼毛髮動猛
獸牙爪威華蓋垂葩瑤翡翠巢瓊枝此皆龍氣壙
成積久形非幻詎比層樓縹緲難攀躋駭矚意表

樂忘疲廟令告侯徂暑時陡覺噲吟大聲發神將
洗洞人先移翠旗晃漾鯨濤立金鐙明滅驪珠馳
洗罷水卽歸後洞以外曾無涓滴遺吁嗟乎在野
元黃戰高卧獨肥遯巖壑玲瓏光景新風雷呼吸
天地春侯之所好斯爲真洞名一播足千古我愧
龍文奮起舞

東山寺

黃岡 雷春沼

迷離暮靄亂峯隱落日滿江紅不盡出郊一覽心
悠然隨風吹上東山頂山高百尺浮雲連中有古
刹超塵寰碧苔滿院諸籟寂一聲清磬空晚煙憑

欄四望楚天合綠竹猗猗繞蘭若新月初銜遠樹
生斷霞遙逐歸禽落丹青半壁烟模糊山光黯淡
欲愁吾我意隨處可尋樂賞心豈必皆名都憶昨
憑弔漢江裏樓臺處處烽烟起鸚鵡洲前草不芳
晴川渺渺空流水西陵劫火幾回經倚郭茲山猶
秀峙嵐光點染心爲清此際登臨亦幸矣君不見
蘭亭梓澤皆荒址

臨江觀漲有感作歌

龍 錫

江流滔滔忽暴漲不及崇朝乃盈丈涵湧似嫌兩
岸窄中泓高如築堤障行水源流徵禹貢江導岷

東坡志林卷二十一
山僅若甕于谿萬派滙合之險怪靈奇恢妙用兩
峽東逼三千里夷陵始見平如砥縱橫遠近盡築
防長江由此受排比元明以來語堪錄湖廣熟時
天下足何居動輒水爲災遇漲往往驚沈覆楚稱
澤國原多澤有地消納無逼追順水之性任游衍
陽侯威怒何由發邇來寸土皆種植江水不能覓
一隙九穴盡爲豪強侵水豈空行能絕迹忘我大
德思小怨反道江神不辜職無窮利濟忘宏施愚
頑真堪一痛 凶思自古勲勞臣一肯便爾遭屠
滅居功不善信有之君但修怨忘其德爲此臨觀

長太息乾坤度量廣莫測天地尙遺愚氓憾何況
君臣分隔絕盈虛自昔理相還禍福無端相倚伏
莫道斯語太濶膚東下波濤幾曾復

虎牙灘

顧嘉蘅

楚蜀咽喉古峽州皆名十二巖門戶八百險灘至
此終自川而下如駛弩聲驚林木振雷霆勢訝蛟
龍作雲雨鐵練百丈鎖江邊竹纜挽強資安撫陡
然一轉屏風角萬牛迴首力難拊不若往來兩渡
河避嶮猶夷能自主倘教五丁盡開山泛濫翻虞
民疾苦當年治水順水性疏濬奇功歸神禹堪嗟

宦海異升沈無端苛政猛於虎况生羽翼與爪牙
平地風浪誰禦侮我今利涉仗忠信洪濤煙霧銷
極浦石尤作惡惡未終自起白滅徒自取波神河
伯亦至公神靈呵護送柔艣急流勇退挂歸帆莫
問中流成砥柱

登天然塔望江

羅應箕

大江一瀉走東海百折千回窮真宰直驅彝陵四
百灘岷山之源始一滙荆門十二何崔巍龍蟠蛟
逸西向來山勢水勢不相下終古澎湃起風雷如
此江山清且閒形勝漫誇百二關估客帆檣飛駭

浪却輸漁翁一釣竿孤塔突兀雄相向乘興登臨
干霄上眼濶由來置身高千山萬山非一狀鬱塞
我有萬古情江濤洶洶何時平男兒心思無今古
俯仰虛憐短髯生當年幾輩務割據戰血都擁寒
潮去餘霞斷靄晚峯青英雄豎子今何處拍手天
半發狂歌白日欲墮奈愁何便思棲息峨眉頂遠
溯江源踏洪波驀聽疎鐘隔岸聲空江不見有舟
行蜀道三千蒼茫外金波鱗鱗孤月明

天生橋在馬鞍山之東龍溪有石橋橫踞溪上高
出雲表宛類仙人橋其下清泉自石門出鄉人

祈雨多驗相傳下有金盆貯水不少增減

楊佶

溪上石橋似鴈齒層巒特聳雲山裏梯空萬仞自
天生非蠶非蠶拔地起天生橋下有清泉泉流涓
涓不記年石窟橫飛百斛珠金盆滿貯老龍涎前
後老龍藏深穴朝暮潮聲清以越直愁龍勢將飛
騰徑借七星朝金闕

黃牛峽謠

屈相仁

西陵西上萬山簇神人日日策黃犢渴不飲江昂
若獅鹿角狼頭喘欲縮白狗左侍爲之奴蝦蟆右
隨戴其足白馬不來猢猻啼洞獺張口仰其腹蠶
叢走叱疲且僵鳥道盤紆懼其觸虎牙祇應守荆
門何如一聲牛峽曲頭角蹄毛盡皆綠

黃牛峽

李運北

夔陵勝蹟數三峽中有黃牛最險狹千載茫茫溯
禹跡天生神物助鴻業董工猶見策黃牛崢嶸屹
立古灘頭泉湧渾如通竹節武侯碑下水長流行
舟三朝三暮見奔流迴湍急於箭兩岸無數猿聲
啼峽中惟看天一線君不見追雲趁雨上巴西過
灘似登青雲梯突然驚傳錦纜脫退鷁如矢難攀

身活異元 卷二十一
躋又不見下水雲帆去偏速白帝江陵倏往復輕
舟直過萬重山一日何曾留止宿從來崎嶇說蠶
叢峽灘幾與蜀道同惟出荆門開鎖鑰行看萬里

破長風

重修爾雅臺

孫可欽

赤馬驅紅羊走名勝大半成烏有興者廢廢者興
代謝茫茫空回首憶昔景純建臺時相彼五行中
土宜六藝箋注爾雅經斐几文窻足清奇風雨摧
折兵燹秋地在臺亡愁復愁黃土一坏名士塚碧
草千古帝王州世事滄桑東晉非千八百年幾劫

灰山河斜陽匆匆盡豈有棟宇仍崔巍東湖明府
元都客大厦支成施講席構材度工土木興嗣而
葺之補遺迹君不見楚塞東望沔天肅臺池榛莽
日相屬登臨長嘯今古情大雅遺堪一綫續

補種紅梨歌呈序之明府

有序

孫可欽

昔歐陽文忠宰夷陵曾爲州守朱公賦紅梨詩
後人遂用詩中絳雪語顏其堂越八百餘年思
其人愛其樹更植者屢矣余所及見者爲乾隆
朝林府君所植大已數尺圍道咸豐庚申夏洪
水泛濫入城郭衙齋水深數尺樹遂槁今年

序之明府亟求補種覓此本不可得夏間余適
遇樵者導予至牯牛山云舊有紅梨一株其本
為斧斤所伐旁茁新枝喜而購歸致諸明府補
種絳雪堂新枝暢茂生意勃然洵可樂也夫物
之興廢在人彼紅梨以文忠遺愛傳種至今俾
甘棠之化世繼休風非斯邦民人之福乎爰賦
此篇并志願末時在同治癸亥小陽月

甘棠召埭傳千古未若紅梨植堂宇昔時人去今
不還樹老猶令異代補千年世事何紛紛陳迹蒼
茫供仰頰聲華易改劫灰飛州木區別焉足數斯

文綿延未淪喪逸事流傳徵故府紅梨嬾易八百

秋根幹倏遭河伯侮絳雪堂前立死榴庚申夏洪

城申樹 婉美補種疇繼武金侯隸政百廢興景企

前賢紹治譜高堂靜坐撫鳴琴綠野春深浹膏雨

忽思百卉同春澤寂寞階除絳雪舞顧念堂名循

其義徧購丹葩及編戶野人熙熙登春臺偶躡東

郊牛山牯攀蘿捫葛最上頭異種合圍孫枝輔驚

春發蓓杜鵑殷漣娑未挫芻蕘斧殷勤乞本如乞

醯珍護柔條出花鳴歸來持此躋公堂笑肆華筵

薦尊俎畚斛斲隸啟園丁五色墳壚調沃土滋生

萌蘖展新枝花時詎假催羯鼓護持長養賴賢侯
馥郁流播德政普下民膏澤徵實行名爲賓兮實
爲主願侯保此種樹心長令民人歌召父

侍螺洲師暨劉君俊賢登東山寺旋憇鎮境山放

歌

聶定焜

五嶽未極域中觀焉敢塊視小林巒今陟名山造
絕頂俯視城郭跨通闔西來岷江湧雪浪遠峰縹
緲環相向枕山帶江形勝區雲中精舍昔雄壯回
憶風塵瀕洞時扼險何須十萬師函關不用九泥
塞門戶一失堂奧隨冲天炎火岡陵徧化盡百年

蚪龍枝遂令勝地無顏色過客登臨皆歎息頽垣
破瓦埋塵埃棟折梁摧雜荆棘偶然駐足共猿愁
會當起振大鵬翼奮身超海躡瀛洲蓬萊方丈一
時游歸來且上泰山上放眼八荒與九州四皓采
芝不足慕沮溺耨耕焉可儔欲擎高天求石柱南
山拜奉萬年甌此心耿耿何時遂師友期許散古
誼孺子進履黃石公授書追隨不我棄平生引領
望高山心嚮徃之不能至

借王柳村游石門洞

聶定焜

我昨泛江上航海未曾見方丈今爲尋幽來梯山

已足陟崔嵬更從樵者登高峻諸峰插天不可竟
雲中鷄犬視皆仙媿我塵容未洗淨下有洞泉百
丈深老龍伏處無古今飛騰莫測神靈意鱗甲森
巖誰敢侵自從漁父返棹去欲往桃源苦無路是
洞曠衍且幽邃亦復軒爽能呈露林木秀麗干雲
霄磐石鬪竦難久顧王君好古復好奇梯高躡險
縱所之自分凡骨猶未換小憇風磴畏高危豈有
臥虎跳龍筆驅使峰巒入新詩歸來試覓秦皇鞭
千山萬山效驅馳

楚塞樓

鄒世鍾

楚塞山前楚塞樓關鎖三楚之咽喉屯甲駐兵誰
當隘吳有陸抗漢桓侯塞上旂旗映日紅樓中鼓
角壯悲風東望秣陵西望蜀當年虎踞何英雄祇
今焦土生荆棘鐵馬銅駝覓不得人去樓空塞月
寒一聲猿嘯巴雲黑

溯靈泉寺而上拾百餘級得二洞左右駢列土人
有龍目之呼感此而賦長言

王定安

我聞鍾山之神曰燭陰雙目矐矐觀古今視爲晝
兮瞑爲夜灼灼日月相照臨又聞元和地志載天
目上有兩峯巍轟轟峯頂池光圓如鏡特代蒼冥

司眷矚從來名山多靈異傲儻瑰瑋無不至茲山
神龍眼垂青驥首雲霄頻愕眙上眺蜀道三千里
蠶叢雲傍馬頭起下睽吳楚天際流長風破浪氣
何迥縱觀宇宙如盈尺轉瞬又分今與昔吁嗟人
世幾興廢此目常存精不昧電光烟爍猶燭天得
不蒿目悲戈鋌

水鬪歌

楊毓秀

晴空風雨驚聲驟蹄沙變作巨浪吼述異昨聞野
老言潛龍激水水能鬪野老棲宅深山裏門外壁
聯雙塘水水潤頓成炎上勢交飛匹練對高壘太
阿奮空亂搏擊濺沫飛湍十餘里須臾塘水盡
涸一塘并吞溢巨海戰北更作不平鳴更張前軍
掀淖起馮夷擊鼓天吳怒回瀾倒駭魚龍靡良久
犀分水力衰雙塘依舊平如砥吁嗟乎天爲萬物
縱殺機蠢觸干戈蔓草滋野老僅知詫水怪海沸
江騰復幾時



東湖縣志卷二十一

藝文志

五言律詩

唐

度荆門望楚

陳子昂

遙遙去巫峽望望下章臺
巴國山川盡荆門煙霧開
城分蒼野外樹斷白雲隈
今日狂歌客誰知人楚來

江

李嶠

日夕三江望靈湖
萬里迴霞津錦浪動
月浦棟花開
湍似黃牛去濤從白馬來
英靈已傑出誰識卿雲才

送友人使夔陵

崔翹

猿鳴三峽裏行客舊霜裳復道從茲去思君不暫忘開襟春葉短分手夏條長獨有幽庭桂年年空自芳

春夜峽州田侍御津亭宴得筵字

杜甫

北斗三更席江西萬里船扶藜登水榭揮翰宿春天白髮須多酒明星惜此筵始知雲雨峽忽盡下牢邊

渡荆門送別

李白

度遠荆門外來從楚國遊山隨平野盡江入大荒流月下飛天鏡雲生結海樓仍憐故鄉水萬里送行舟

留別龔處士

李白

龔子樓間地都無人世喧柳深陶令宅竹暗辟疆園我去黃牛峽遙愁白帝猿贈君卷菴草心斷竟何言

出峽

胡皓

巴東三峽盡曠望九江開楚塞雲中出荆門水上來魚龍潛嘯雨鳧鴈動成雷南國秋風晚客思幾悠哉

次下牢

戴叔倫

獨立荒庭上蕭蕭對晚風天高吳塞濶日落楚山空猿叫三聲斷江流一水通前程千萬里一夕宿巴東

送史申之峽州

司空曙

峽口巴江水無風浪亦翻蕪葭新有鴈雲雨不離猿江

客思鄉遠愁人賴酒昏檀郎好聯句莫滯謝家門

宋

送丁元珍峽州判官一作送推官朱處仁

歐陽修

爲客久南方西遊更異鄉江通蜀國遠山閉楚祠荒
油幕無軍事清猿斷客腸惟應陪主諾不費日飛觴

下牢津

歐陽修

依依下牢口古戍鬱嵯峨入峽江漸曲轉灘山更多
白沙飛白鳥青障合青蘿遷客初經此愁詞作楚歌

龍溪

歐陽修

潄潄出亂峰演漾綠蘿風淺瀨寒難涉危樵路不通
朝

雲起潭側飛雨徧江中更欲尋源去山深不可窮

勞停驛

歐陽修

孤舟轉山曲豁爾見平川樹杪帆初落峰頭月正圓
荒煙幾家聚瘦野一刀田行客愁明發驚灘鳥道前

送岷州陳廉秘丞三首

司馬光

宜都賢太守治跡古人齊虎負衆子去鳳環羣鳥棲行
增穎川秩別降武都泥正恐還朝速春林未子規
郡府猿聲外旌旗鳥道邊樓高出楚塞煙霽識巴船
襦袴嗟來暮簪紳惜外遷皇仁矜遠俗非謂意疎賢
地險三巴口江流百折蟠駟珂通峽響門戟照秋寒翠

東坡先生集卷二十一
壁虎牙石素花狼尾灘孫劉置柵處細爲寫圖看

峽州甘泉寺

陸游

江上甘泉寺登臨擅一州山亭喜無恙老子得重遊灘
急當疑雨林深欲借秋歸途更清絕倚杖喚漁舟

明

三遊洞

何璋

古洞饒奇勝勞遊感物華崖暄還碧草露冷向幽花虛
谷鳴鐘隱清流遶澗斜悠悠塵想絕歸路滿燼霞

黃牛寺

詹同一作雷思霈

爲雨爲雲峽三朝三暮山禹書空屢鑿宋勅錦猶斑初

月流江外晴霞落照間汲泉深澗入烹茗覺僧閒

九日宿東山寺

雷思霈

九日東山寺無花却有歌峰巒朝雨後鈴鐸晚風多峽
口生秋水湖心老菱荷舊時遊息地竹素已婆娑

木葉未全脫水流故自閒纔登高閣望便覺大江環風
細如聞楚雲垂莫辨山晚來松徑裏隱隱一僧還

此地苦無蠓登山幸有尊雨來迷峽口江去鎖荆門城
郭含煙重郊原曠色昏西南幾百里獨見一峰尊

夜宿山巔寺苦吟醉後身頻來知地主閒坐數樵人日
日歌聲巧時時山色新綠蘿溪上月請與結爲鄰

宿黃牛寺

雷思霈

舊說黃牛路今聞碧澗鐘
水無不怒石山有別高峰
竹裏穿雙井林間出老松
野花開處處遊興借春濃

觀土城寺

雷思霈

登樓間到寺分嶺勢如城
幽石生雲細寒溪瀉月清
黃花含雨色紅樹亂秋聲
地主偏留客相攜信宿情

南津關用子美韻

雷思霈

夜宿下牢岸春遊下瀨船
一江爭劃石萬里忽開天
有客尋谿洞何人共几筵
遙看明月峽知在白雲邊

喜雷何思太史至

歐陽明

春水連宵穰荆門報急流
故人天上至窮巷雨中留
解榻元徐儒維舟愧子猷
無能具鷄黍猶作舊時遊

峽中作

雷叔聞

積雨洪波急高天翠壁齊
巫雲峰十二巴峽灑東西
伐鼓催朝櫓烹魚宿晚溪
荆門看欲近回首聽猿啼

秋日遊三遊洞

陳禹謨

木葉亂山飛疎林古洞微
倚筇看鳥下坐石有雲歸
千嶂來秋色孤霞送夕暉
三遊人去遠我醉舞荷衣

三遊洞

陳爾鼎

勝蹟何年闢遊人自古今
三分吳蜀壘千載白蘇吟
徑

曲藤爲引碑殘鳥共尋不圖塵境外如許臥雲深

鎮境山

陳爾鼎

元宮開曉日藜杖御微風鎮作荆門北瀾迴蜀道東寒
林疎脫後霽雪有無中重訂看鞦約間情寄遠空

白沙驛

黃輝

山驛冷荒荒昏煙帶葉黃窻交蛛網月垣隙虎蹄霜攜
手同人盡迴身獨夜長佳期惟有夢夢去轉蒼茫

爾雅堂訪少藩書室

劉旭

悵別登臨久登臨感舊遊兩臺留勝蹟一榻寄清秋竹
石分人靜琴尊帶月幽杖藜隨意往笑看水中鷗

飲陳台山聚星樓

樓左有景純洗

州徐仲微虎林人

乘興共登樓江雲帶水流著書揚子宅選石米家丹深
映一池碧平臨三峽秋蟬聯不得去有轄任君投

宿黃牛峽

明尚書張佳允

春到黃牛峽江辭白帝城楚雲高不落巴水去無聲絕
塞書難得孤舟月更明棹歌聽自短幾處夜猿鳴

南湖飲王光祿帶樹居

八十翁董治策 郡人

古木憑空捲崎嶇路逕斜蒼藤纏竹笋老柳傍荷花偶
坐消塵態頻來覽物華坐中無俗侶早暮但煙霞

和陸放翁題峽甘

劉戡之

勒石存遺孝江山壯此州泉宮幽澗落路入古城遊寺
靜全宜暑楓多最艷秋范家湖面濶十里可行舟

九日登明月臺

劉戡之

今日登高處令人思獨茫臺留東晉江引北風長細
菊籬容嫩悠陽野色荒年因遲歲序白露未成霜

絲網浮鯊有引

劉昇

夔陵正月江中小魚乘雨而出圓身細鱗長可
五六寸用絲網取之過此育子則瘦削不堪食
矣即詩所謂鱮鯊也

風雨暗煙汀漁歌答杳冥鱗飛千片雪網亂一江星白

小供厨積紅肥滿市腥烹鮮諳食譜不數五侯

鳴榔起油

劉昇

三月春雨時至水漲江渾嘉魚蔽塞而下漁舸
雲集舉網鳴榔每舸日獲數十頭間有躍入舟
中霜刀雪落堆積如山親朋置酒高會頭油二
油以至三油殆無虛日詩云蒸然油油即此

峽口春濤湧揚馨鼓鬣來躍舟翻素練呷浪隱輕雷細
剖銀絲膾抹分七首腮家家開風壑取次共啣杯

碧澗採茶

劉昇

俗不善製茶自先父請告歸里闢園數畝名曰

東坡志林卷二十一
碧澗適陶孝廉孝若自祁門秉鐸歸日相講求
亦名亭雪勝採焙得法不異陽羨虎邱也

關園藏碧澗高閣注茶經鑑水成魚目寮煙墮鶴翎月
團分社遠雲液動仙靈喜友窮深妙名留雪勝亭

紫陽斲筍

劉昇

紫陽過江五里土人種茅竹爲業竹成編器以
售春初莠筍甚繁連籜採取沸湯淪過鹽漬火
烘青綠甘香可敵天目所產

環村多種竹綠篠冷疎煙籜裏芳堪久松煨味更全老
饜芳齒頰禪悅在中邊香茗添幽事桃笙北牖眠

國朝

黃陵廟二首

王士正

峽裏黃陵廟千秋俎豆新禹功思癸甲靈笈佐庚
辰灘石冬逾壯風帆捷有神旌旗臨絕壁長照大
江濱

秭歸來百里突兀見黃牛下水纜朝暮行人已白
頭山川夔路險疏鑿禹功留尙憶平成日茫茫辨

九州

抵夔陵州二首

王士正

西陵雄鎮地佇立望荆門蜀水天邊綠巫雲峽口
昏三湘初落木萬里飽聞猿剪紙勞僮僕為招久

客魂

扁舟天上落回首萬灘高斜日明西塞秋風過下
牢江湖初莽蕩吳蜀幾旌旄至喜亭邊泊椎牛也

自豪

漢景帝廟

王士正

陽陵何處是遺廟此中洲落日西陵渡寒江楚塞

樓天心紛割據鼎足失炎劉太息英雄遠樓船下

益州

送李將軍自天津移鎮夔陵

毛壽登 公安

夔陵新建鎮都護舊知名直自津門戍遙臨陸抗
城舉杯觴月色倚閣聽江聲他日隨飛將來看射

虎行

龍洞尋康山人

羅宏備

野樹干林亂深溪百折來經霜枯作雨帶石轉成
雷犬出獠宮吠人看烏背回桃源信有路何處覓

秦灰

人州城偶作

羅宏備

聞道飛芻遠懸崖坐甲半斗城圍似鐵苦矢疾如
毛漢檄曾移蜀虞干可格苗

廟謨期制勝不畏峽山高

泊陸城

羅宏備

素浪沄沄轉危磯曲曲通城棹落日漁網猶江
風照水春衣薄移燈晚肆紅暮情非一緒沉醉小

橋東

上普山

羅宏備

山缺露人煙饑糜傍熟田燒殘楓欲死崩後石猶

懸隔徑聞樵語披榛畏虎眠野藤無意緒當路自
相纏

黑潭庄

羅宏備

破雲不漏雨秋氣滿衡茅水落高鳴石鳥歸低上
巢潭澄魚腹白徑僻虎踪交日暮東巖叟相期酌

古匏

重登四面山

陳嵩極

十載曾遊此重來伴侶稀疎鐘隨客下落葉向天
飛絕嶺聚青藜孤城隔翠微夢魂猶躡險雲外一
身歸

龍伏子卜居白竹坪余遊四面山咫尺矣途中一

遇往來各別

陳嵩極

曾約到君家相逢興倍加看修三徑竹共醉一籬

花漸覺幽棲近何知歧路賒沉吟驢背上五字作

生涯

陸司馬重新甘泉祠招飲觀躍鯉記

陳嵩極

廟貌已殊昔寒泉尚冽然衣冠隔古制城郭帶秦

煙幾度梨園曲尋常兒女傳使君新往蹟簷雀亦

踟躕

登東山寺

陳嵩極

薄暮踏寒雨攀躋到上方迷離江郭白慘淡野雲

黃環甲開邊壘輿尸載國殤廿年安戶牖陰雨莫

相忘

雨夜宿鷄子山宇澄上人禪榻喜得酒

陳嵩極

遠村不覓酒岑寂焉能勝風雨無聊夜醉醒幸共

僧鐘殘依客枕林缺透漁燈信宿翻難別喜無俗

可憎

聞王哉周遊桃花園因索桃花魚詩飲水竹居限

韻

陳嵩極

蕩漾浮江出如花難佐觴輿圖俱不載方物獨吾鄉勝地容幽賞佳篇貯錦囊休云抽思澁唐突峽春光

秋日登峽城樓次張秉臣韻

陳嵩極

水濶天低峽空青樹入樓江光渾似練暮色易生秋白髮惟耽飲清流可滌愁衰年懷壯志一往豈相謀

彝陵夜泊

朱爾邁

天半彝陵道扁舟獨夜來城孤懸楚望月冷失秦

猿哀
灰戎馬青山在蓬蒿白骨開巴歌聽已矣併入嶺

黃陵廟

朱爾邁

日夜黃陵廟灘聲轉不休流來蜀帝恨散作楚宮愁俎豆垂江石興亡問野鷗應知明德遠猶爲禹功留

舟中晨坐彝陵作

朱爾邁

邊馬嘶寒急霜風割面來空垂去國淚何處望鄉臺形影親孤劍波濤送一杯荒殘今更甚不必問秦灰

峽中夜汎

方象瑛

夜靜風初霽夔陵好放舟峽雲當岸落峰月下灘
流遠水明村舍恬波起棹謳更闌誰秉燭空擬問
三遊

黃牛峽

方象瑛

湍迴明月峽曲折到黃牛古屋祠神禹殘碑憶武
侯空山餘古雪亂石抱高樓落日西陵路聞猿引
客愁

進峽

張行懿

峽自夔陵東江從白帝懸兩崖如劍立百丈入雲

牽石出疑無路雲開別有天往來頻設險千里正
茫然

賊退還河西舊莊作

郭鍵

連年衝短屐又向故園行世亂無花草山深有舊
盟留春遲閉戶帶月晚催耕十畝叢篁碧齋窓間
鳥鳴

天峰寺

郭鍵

野屨茫榛合寒雲一石凭誰知厓閉日但覺雨生
藤貝葉龍聽梵松風鶴避矰幽居人事少且與話
南能

自鎮境山過東山寺

陳士望

久晴雲不繫層次見山容微徑分幽草懸崖咽古
松帆開秋水渡寺近夕陽鐘竹杖斜拖去行行歷
幾重

小憩童公橋

陳士望

一望江天曉蒼茫度野橋雲殘峰勢起石落浪痕
消瘦蹇迎秋健晴帆出峽遙村翁知我倦攜酒坐
相招

東山謁先莊介公祠有感

劉廷僖

萬峰迴合處峽水自西行歷歷湖光遠瀟瀟樹影
橫雲開孤寺出日落半山明煙火秋城裏無端百
感生

孤性與雲同山山迷望中綠蘿緣石磴白日畏秋
風遺世停間鶴恩榮想舊松攜壺自斟酌一指大

江東

仲春自峽州適辰陽

張肇均

又作湖南客檣烏背峽飛虎牙春漲細銅桂荻芽
肥牢落霜毛易沉埋壯志違十年羈楚北故舊識
應稀

九日友人過綠蘿山莊

張肇均

新卜宜瓜地高秋爽氣多山光團翠篠霜氣老池
荷野水澄南浦丹楓帶綠蘿荒村奠酒薄鞍馬漫
勞過

峽口

方朝

峽口波濤壯居人不滿村歌山風落木深洞月歸
猿水迸星河瀉雲兼石壁翻千秋追帝子如可夢
精魂

峽夜

盛錦

噉噉猿啼夜淒淒鶴唳空斷崖開四壁深井落孤
蓬樹漏暫明月滿驚無定風四重雲外隔歸夢亦

途窮

虎牙灘

盛錦

楚蜀分爭地雄關扼怒濤灘聲牛峽轉山勢虎牙
高巖樹丹青雜舟檣上下勞新詩橫製賦旅興一
時豪

舟至荆門

王言惠

漸覺鄉關近荆門整眼開江從山罅出人自日邊
來煙樹千村暮風帆一葉催乍歸身似客猶作夢
中猜

中秋偕同人泛江

朱鳳翥

東湖集元卷二十一
蘭漿衝江練遶天一色開濤生巴子國月上楚王
臺醉倚紅牙板涼生竹葉杯秋聲當此夕遊入夜
猿哀

東山寺避暑

朱鳳翥

暫遠塵氛夢來眠佛子居一簞新雨後萬壑插秧
初避熱原非鴈彈緜豈爲魚枯禪容我懶心地湛
清虛

秋日重遊東山寺

朱鳳翥

重訪東山寺迂迴舊逕斜竹深林有寺秋老葉如
花汲水傾雲液供茶煮露芽曇摩間話久歸路馬

蹄賒

三遊洞

何毓秀

化工留勝蹟騷客費登臨碑石存魚豕壺天自古
今陰巖流水靜風磴落花深撫景懷元白他時共
此心

南津口

覃宏澤

南津荒寂甚戶里半蒿蓬迴望山俱合安知榻可
通灘爭三峽水人坐一帆風說黃金藏琅函沒
蜃宮

黃陵閣雨霽遺興

覃宏澤

風濤三峽靜，俎豆萬年留。青草灘前雨，黃陵閣外秋。
過江人喚渡，呼酒客登樓。試煮紅渠茗，甘泉蟹眼浮。

峽中卽景口號

覃宏澤

雄關憑雉堞，巴水隔中洲。櫂發江雲亂，金鳴貢賦收。
紙焚舊陌福，昨飲新筇至。喜亭何處文，忠遺愛留。

步張穉山秋夜江上納涼小飲韻

覃宏澤

秋暑人難寐，江風夜有情。波搖孤艇月，犬吠隔溪聲。
露下襟裾潤，天空河漢清。碧筒不可得，瓢勺酌深更。

深更

大峰山行

郭相業

訪戴探深澗，穹窿不記程。山高天面窄，石亂馬蹄爭。
過嶺疑無路，聽松忽有聲。幽人居未遠，伐木響丁丁。

早春陪陳芥舟先輩飲白巖洞

郭相業

得趨山人飲，蓬壺別有家。澗埋殘臘雪，梅剩隔年花。
古樹雲根懶，沈潭樹影斜。瀛洲何足問，一醉勝丹砂。

借馬元襄過用天堂

郭相業

爲訪山間勝同過逸老堂柳深鶯語滑花落燕泥
香汲水供茶竈移尊就石床塵氛飛不到塵尾話
偏長

雨泊南津關

郭相業

此去關山路迷濛霧不開江寒流鴈影壑響助猿
哀小艇孤身寄輕裝浪跡來西川天下險第一水
雲隈

重遊白巖洞

郭相業

洞古噓龍氣披榛訪舊歡孤雲粘石懶峭壁補苔
寒雨漬飛濤綠晴烘落葉丹何年鷄犬具所跡借
泥丸

九日登葛道山

郭相業

作客平生誤象山始得看人誰言弔古我不爲燒
丹破帽憐衰髮秋心飽翠巒袁崧登眺後此路頗
荒寒

宿筐覆山

馬一德

憑高凌古寺夜靜覺山清客坐間鐘磬僧來叩姓
名瀑寒千尺瀉月出萬峰迎小閣茶煙碧殷勤懶
遠程

東山寺

馬一德

晴春來古刹四望野雲開
翼翼溪邊柳飛飛嶺土
梅殘碑餘鳥篆頑石點蒼苔
憑弔情無極詩懷在
酒杯

黃陵廟

王銘臣

平成雖聖治襄贊有神功
廟食西陵上名垂禹甸
中門迎三峽月樹宿萬山風
身入蠶叢路晴江獨
向東

明月峽

王銘臣

峽自西陵始山從明月高
雲峰蹲虎豹石壁挂猿
猱作賦慚秋水思鄉問濁醪
泊舟凌絕巘濟勝未
爲勞

登筐覆山

毛一驄

翹首峰如削晴嵐景倍清
到山纔有路問樹半無
名犬自雲中吠僧來谷口迎
奚童猶解事一杖引
前程

峽城晚眺

袁浩

閩人

西陵衝蜀險落日眺江東
寺遠雲根白山深柏葉
紅無衣憐屈侯把筆怨長風
一片秦灰冷蕭蕭入
望中

峽城晚眺

陳

璣

華亭人

江濤涵夕照獨眺意何窮楚塞千山接荆門一水
通萍踪淹峽口客思入吳中不盡登臨意隨流直
向東

峽城雨霽

霞來通暮氣雨歇載雲歸濕桂香難定棲鳥穩不
飛閒吟秋思遠久客旅情違望裏炊煙起漁歌入
翠微

重過沸水寺

楊清

名藍題沸水零落舊闌干石穴噓陰氣禪關起暮
寒留詩仍在壁老衲不禁看永夜燒松火孤懷且

自寬

絳雪堂補植紅梨復活集杜志喜 林鳴鶯

少小愛文詞今朝豁所思更尋嘉樹傳再與暮春
期雜蘂紅相對霜根結在茲無情移得汝堂構肯
仍虧

東湖郊行

謝仲沅

臺隍稱勝槩况復值春明柳色開船步嵐光寫驛
程石奇人業匠騅奮士談兵顧我陳詩出前村視
火耕

望州舖題壁

險絕夔陵道三年兩邁征馬多逢石下人總傍天
行谷口零沽店林均薄歛耕望州與版在開闢有
來氓

過望州山

雨霽山程顯籃輿擁後先緣崖舟挽纜縋坂箭留
駘驛騎遲雲表封圻錯嶺巔茅亭喬蔭好小憩聽
鶯遷

明月峽

朱恒

雨洗千山淨風和望眼舒船通夔子國巘覆蛋人
居絕壁空營廢荒臺古殿餘子規啼未歇明月照

江廬

感秋寄林竹溪嚴潛庵時在東湖志局

袁汝璧

蕭蕭木葉下客子正悲秋暮雨來巫峽寒潮上楚
樓巘疆愁浩劫舊籍費旁搜莫更嗟推落乾坤一
浪鷗

平善壩小泊

嚴思濟

蜀江行萬里到此勢初平峽東雙厓豁天開一線
明物情爭險阻載鹽者多冒渡時嚴其禁客意自澄清遙望西
陵渡扁舟竟日橫

登葛道山

景大任

葛道臨江起峯尖鏡碧天蜀船浮似鴈山郭小
錢楚寒風煙壯壘疆畫角連歸尋樵笛路新月
鈎懸

借表姪嚴潛庵坐紅石子

林有彬

最險傳紅石探奇獨爾幽空櫺偏作桂疊翠欲成
樓吼墨磨微凸烹茶汲鱗流鼓聲灘外落蜀客賽
黃牛

蝦蟆培尋第四泉即東黃長樂丞

口噴頤伏噴開第四泉洞深捫鳥道石瘦飽嵐

煙仙客攤棋局髯猿窺酒筵還期烹酒火山

因緣

泛舟遇雨入黃頰洞題壁

窈奧一門穿潛通古寺泉

當陽玉泉山
水傳與此通蒼藤垂

磴青壁卧寒煙雷送歸山雨猿迎入峽船繫棹探

小有拂拭漫題箋

西賽晚眺

董秀

反照籠西賽乾坤淡有無日斜鷗背落雲去樹林
孤峽靜澄秋色山遙列畫圖客船咸至喜繫纜
提壺

登東山寺

楊振世

信步東山上憑高眺遠村雲連奔峽口煙合鎖荆
門北澗歸青鳥南湖漾白蘋疎鐘林外出幽響谷
清猿

登鎮境山

黃世鼎

登高憑遠眺翠色落江關峽口雲常吐荆門水自
環煙濃點茅屋木脫見秋山無限遊人意相看白
鶴還

遊天龍洞

郭江

下峰環嶺絕境小橋通野鶴翔春霧山猿與
風蘿遮巖洞綠日射石門紅幾度逢僧話無人到
此中

春夜舟宿屏風閣下

江村殘照外小艇立蒼蒼雨氣歸青草濤聲走白
洋山煙分鴈路獵火照漁梁獨睡何能著愁禁此
夜長以上舊志

宋

駐金紫山接詔

楊大異

峯峭瞻天近臣微感遇隆有山皆紫誥無地報丹楓帆
掛三巴水旌搖萬里風玉門遙在望效死不言東

國朝

墨池書院

南匯 吳魯欽

精舍依塵市莘莘學子居競傳元祐客勤課有軍

書葉潤蔬添圃花繁菊照廬若為春候暖漲墨染

池魚嘉定爾雅臺下二月間有墨魚傳是卽璞墨點所化應在此不在彼予嘗辨正

彝陵泛舟 浙江 陳熙晉

天豁萬山外人行三峽東夔巫猶眼底雲夢已胸

中遠水寒逾白晴霞晚更紅征途愁浩蕩但聽在

帆風

峽天風雪裡日暮冷遙陰江出下牢關波連西道

深宜都 山水窟荆楚歲時心理棹者誰子

樹林

黃陵廟 陳熙晉

明德思神禹叢祠記武侯一江天險三藏古今

流下瀨波聲駛南津樹色浮未須朝復暮轉瞬過

黃牛

彝陵 高要 馮譽驥

彝陵古雄鎮城對大江開地險蠻雲合天寒峽雨

來荆門初弭節西塞一登臺莫問秦餘事蒼茫但

劫灰

夏江集卷二十一
下牛溪畔水楚客送揚舲木落丹楓岸沙明赤坂
亭眼中秋望闊愁外蜀山青此去三巴近清猿定
飽聽

彝陵

江陵 劉士璋

彝陵形勝地高距楚雲中峽路三巴接江流九派
通文章留爾雅割據失英雄尙憶平成日黃牛佐
禹功

見說勞停路從衡拂柳條山多城有鄣港少市無
橋風俗餘烏鬼流傳雜楚謠祇應高處望雲水

陸抗城

劉士璋

地壯彝陵郡年深楚塞樓當時嚴部署絕勝
劉伏枕勞中夜開藩扼上游至今屯甲處燧火挾

江流

近城有屯甲
池亦抗故迹

築險來夷道忘餐自樂鄉藥求羊太傅兵盡國
王野戍秋林淡寒田晚稻香古城精舍近鐘磬出

虛堂

小憩童公橋

陳士望

一望江天曉蒼茫度石橋雲殘峰勢起水合浪痕
交瘦蹇迎秋健晴帆出峽高村翁知我倦設坐問

松醪

白馬廟

陳嵩極

古廟斜陽入輕煙散晚汀寒江一派白老樹半邊
春土滿鴉多集時澆鬼亦靈諸峰飄渺立隔岸影

亭亭

峽中吟

毛一驄

好友形骸外劇談肺腑中江山同逆旅天地一樊
籠有我為累因人不算窮君平卜肆近細問定
行踪

晚秋登鎮境山

覃宏澤

蘭若出高岑憑欄秋氣深野日橫
砧低峽寒空暮平湖雁影沉嘯歌
微吟

雨霖黃陵閣晚眺

程際新

無限煙波興憑高四望收西風下木葉落日在孤
舟青草半灘雨黃陵一闌秋少年懷壯意且莫問
東流

東山寺

周維經

春色凝孤嶂韶光入翠微芒屨踏露濕溪鳥破煙
飛掃楊雲生石敲鐘月到扉老僧性情定留客採

山薇

石門洞頭 廿壁

徐韋

修篁無遠近 隱隱露禪扉 眾綠滴成雨 涼風吹上衣
鳥過潭影破 僧定磬聲稀 自古勞車馬 何人此
息機

偈仄疑無路 憑虛忽有亭 石空驚咳唾 洞暗走神
靈遠水浮孤白 羣峰合一青 團蒲如可乞 貝葉坐

繙經

爾雅臺

黃岡 雷春沼

月淡一池水 風高爾雅臺 至今名宇宙 終古勢崔

鬼地接層城 近窗迎列岫 開頻年懶絳帳 豈有晉

人才 余方主講 爾雅書院

絳雪堂

雷春沼

不見歐陽 來尋絳雪堂 晴憐春似舊 坐愛晝初

長補樹皆賢 令公所植紅梨花 歲久壞嘉慶間林

大令又補種 開花有古香 至今傳勝事 父老詠甘棠

東山寺

雷春沼

招提凌絕巘 鐘磬曉雲開 薙草知何代 拈花尚有

臺天隨湘樹 盡山抱蜀江 來老衲頭如雪 團蒲歷

劫灰 咸豐間賊陷宜昌 殿宇半為所焚

三遊洞

雷春沼

三遊猶有洞不共昔人遊暗水通樵徑寒烟撲石

樓山川雄一郡姓字壯千秋雅興知誰續新詩壁

上留同年王子壽比部有遊三遊洞詩

漢陽

田鈞

爾雅臺弔部景純

三晉凌夷後蒼生喚奈何夕烽催玉壘秋草掩銅駝名士風流盡將軍跋扈多高臺試回首淒絕舊

山河

小住西陵地平生著作豪六經開別徑一命寄洪

濤術數言雖幻奸雄氣已撓敢忘緘口戒忠憤

相遭

虎牙灘

羅瀛

寒氣逼征裘灘喧萬壑流狂風吞渴日急浪捲孤

舟地接夔巫險山懸鶴鶴愁荆門橫楚塞浩蕩戰

場秋

峽山寄居

湯大鼎

花樹繞山村清香直到門幻身甘化蝶洗耳怕聽

猿險絕崖懸屋平安竹報園好書深柳讀敢謂布

衣尊

冬日過靈泉寺

王德承

古徑何年闢巉巖聳碧霄潭聲鳴洞腹雲氣吐山
腰樹老凌霜勁溪乾待雪消靈泉清可飲願借許
由瓢

南樓謁 關帝像 王德振

馬首望荊州江清漾碧流目空吳大帝身本漢諸
侯局勢二分定英雄萬古愁我來瞻聖表拜進酒

盈甌

荆門山 王春元

蜀楚交爭地荆門作鎮雄象排高岸北山北有虎
象鼻嘴
據大江東山東有
虎牙灘笏嶂千尋聳山後有
執笏山仙橋一線

通本山又名
仙人橋將軍營十二山左有將軍
帽十二背萬古頌元

功

龍王洞 顧嘉蘅

何代巨靈擘仙湫月半弓蜿蜒藏地勢開闢妙天
工瀑落常疑雨崖深不畏風恍經滄海濶殿宇畫

玲瓏

霧渡河晚眺 孫可欽

霧渡河邊望穿林落日斜巖高洞爲屋石亂浪生
花暗谷聞風雨諸峯駭齒牙當年爭戰地扶醉問

山家嘉慶年
王總戎間教匪滋事陣亡於此

身濟集志 卷二十一
三隅舖

孫可欽

三隅北鄉舖藤葛路鈎連泉出水飛壁躬耕田在
天溪湍日春碓石巘畫舍煙血淚數行下春聲聞
杜鵑

至悠然亭次宋懷山明府原韻

羅啟炳

仰止悠然下多年退隱蹤亭槐高障日池水遠銜
峯網壁懸蛛織泥檐去燕封笙歌今已歇暮雨泣
寒蛩

西塞晚眺

饒書麟

祝融飛烈燄劫土贖荒臺宵市春燈暗樓船畫角
哀江煙衝鳥沒山月抱城來步闌餘空壘游鱗
碧苔

登鎮境山樓

王德撰

極目高樓上晴開遠近村環山連蜀道帶水繞荆
門四壁峰都護雙流壩獨吞猶欣三峽裏嵐翠鎖
朝昏

東山寺

李開科

禪門高自豁誰向寫雄文碧樹棲黃鳥青山走白
雲樵歌幽谷應牧笛梵宮聞大嘯空天地開襟對
夕曛

東湖縣志 卷二十一 藝文 卅一
從王子壽先生入三遊洞

楊毓秀

王喬援我手仙窟歷崔巍洞氣冬偏燠
山花冷更開細泉驚雨落怪石趁人來
上界乘雲樂還傾玉液杯

鎮境山

趙鑒

西陵探勝境北部見高山坐鎮江河外
雄撐楚蜀間荆門煙暗鎖峽口水常關
獨有青雲客重霄任往還

雅臺明月

饒啟裕

流素西陵月箋經北部臺昔賢遺舊迹
與義啟元

胎借魄奉書幌清池宿斗魁公認新學市幾輩詠

靈洞仙湫

饒啟裕

高巖毓靈異古洞闢幽深天擇類回護
激潭無古今雲根紆八極乳溜滴層陰
積澗年年薦應期沛雨霖

雨霖

令... 八... 風... 平... 燕... 賦... 亦...
高... 靈... 異... 古... 關... 幽... 大... 戰... 賦... 回... 藉... 草... 無... 古...

靈... 山... 州

翰... 翰...

祭... 文

... 奉... 書... 碑... 斷... 此... 斷... 世... 碑... 人... 時... 二... 碑... 也... 而... 送... 碑... 石...

